

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-301/09
Sarajevo, 19.03.2009. godine

Z A P I S N I K
**21. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 19. marta 2009. godine**

Sjednica je počela u 11.42 nakon završetka 20. sjednice.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Izostanak sa sjednice opravdali su Jasenko Tufekčić i Saša Magazinović.

Na osnovu evidencije Stručne službe, predsjedavajući je konstatovao da sjednici prisustvuju 44 delegata, što čini većinu, te Dom naroda može raditi i punovažno odlučivati.

Nakon toga predsjedavajući je podsjetio delegate da, na osnovu člana 104. Poslovnika o radu Doma naroda, mogu postavljati delegatska pitanja, pokretati inicijative ili izraziti nezadovoljstvo dobijenim odgovorima.

Delegatska pitanja i inicijative

Besim Spahić izrazio je nezadovoljstvo dobijenim odgovorom na svoje delegatsko pitanje postavljeno 31.10.2008., vezano uz visinu primanja upravljačke strukture u javnim preduzećima čiji je većinski vlasnik Vlada Federacije. Postavio je pitanje da li se dostavljeni tabelarni prikaz primanja predsjednika i članova uprave ovih preduzeća odnosi samo na plaće, ili su time prikazani i tzv. menadžerski dodaci i ostala primanja. Upitao je kolika su primanja čelnih ljudi ispostava ovih preduzeća po kantonima.

Tomo Vidović izrazio je djelomično nezadovoljstvo dobijenim odgovorom na delegatsko pitanje vezano uz aktivnosti Vlade Federacije u vezi sa inicijativom Skupštine Tuzlanskog kantona kojom su tražene

izmjene i dopune Zakona o pripadnosti javnih prihoda u Federaciji Bosne i Hercegovine.

Muhamed Osmić izrazio je nezadovoljstvo jer nije dobio odgovor na delegatsko pitanje vezano uz uspostavljanje hipoteke na zemljištu koje je kupila Općina Maglaj od Porezne uprave a koje u trenutku kupovine nije bilo opterećeno hipotekom. To zemljište je od velikog značaja za Općinu Maglaj.

Nikola Simić upitao je zašto ne funkcioniše drugostepena komisija za prijevremeno penzionisanje, ističući da je ovo pitanje postavio na jednoj od prošlih sjednica.

Lidija Bradara izrazila je nezadovoljstvo nedobijanjem odgovora na vrijeme. Istakla je da je pokrenula inicijativu za donošenje izmjena Zakona o otpisu dospjelih a nenaplaćenih potraživanja iz oblasti penzionog i invalidskog osiguranja. Također je izrazila nezadovoljstvo zbog nedobijanja odgovora u vezi sa stanjem u Fondu za okoliš i nedobijanjem informacije o stanju u "Krivaji".

Edin Hozan izrazio je nezadovoljstvo nedobijenim odgovorom vezanim uz nacionalnu strukturu zaposlenika u tri javna preduzeća u većinskom vlasništvu Federacije sa ispostavama u Jajcu.

Postavio je dva pitanja Federalnom ministarstvu poljoprivrede, vodoprivrede i šumarstva.

Prvo pitanje odnosi se na donošenje podzakonskih i drugih akata koji su vezani uz Zakon o lovstvu.

Drugo pitanje odnosi se na to da li građani koji nisu dobili poticaje u poljoprivredi imaju pravo dobiti pisani odgovor sa obrazloženjem zbog čega ga nisu dobili. Istakao je da bi se ovo pitanje moglo postaviti i svim drugim institucijama koje rade sa građanima.

Mislav Sučić izrazio je nezadovoljstvo dobijenim odgovorom vezanim uz preategorizaciju ceste Prolog - Vaganj - Sinj u prevoju prema Splitu uz državnu cestu.

Drugo pitanje postavio je Federalnom ministarstvu poljoprivrede, vodoprivrede i šumarstva vezano uz damping cijene sira uvezenog iz Evropske unije. Istakao je da se treba zaštititi domaća privreda.

Zaim Imamović Kaze izrazio je nezadovoljstvo odgovorom na pitanje koje se tiče rada službi za tehnički pregled vozila.

Osvrnuo se na visinu novčanih primanja direktora i članova uprave javnih poduzeća u većinskom vlasništvu Federacije.

Zatražio je da se dostavi informacija o visini plaća direktora i ostalih članova menadžmenta u javnim ustanovama, javnim fondovima i zavodima u Federaciji Bosne i Hercegovine i to u: Zavodu za javno zdravstvo Federacije, Federalnom zavodu za zapošljavanje, Zavodu za zdravstveno

osiguranje i reosiguranje Federacije, Javnoj ustanovi za edukaciju sudaca i tužitelja Federacije Bosne i Hercegovine, Fondu PIO, Zavodu za zbrinjavanje mentalno-invalidnih lica Bakovići i Zavodu za odgoj muške djece i omladine u Sarajevu. Također je zatražio da mu se dostavi informacija o naknadama za rad članova u upravnim i nadzornim odborima ovih institucija, fondova i zavoda.

Postavio je delegatsko pitanje i pokrenuo inicijativu.

Pitanje je uputio premijeru i Vladi Federacije - da li se prilikom imenovanja na pojedine pozicije u izvršnoj vlasti vodi računa o Zakonu o sukobu interesa u Federaciji Bosne i Hercegovine.

Pokrenuo je inicijativu prema Federalnom ministarstvu pravde za izmjenu Zakona o državnoj službi u Federaciji Bosne i Hercegovine.

Bojan Bošnjak izrazio je nezadovoljstvo, budući da je zatražio da mu se dostavi inspekcijski izvještaj za preduzeće "Arcerol Mittal", a umjesto njega dobio je odgovor od Federalnog ministarstva energetike, rudarstva i industrije, te je izrazio nadu da će delegati u budućnosti dobijati odgovore u roku i od onih koji su nadležni.

Također, uputio je apel premijeru i Federalnom ministarstvu energetike, rudarstva i industrije da se Vlada Federacije aktivnije uključi u rješavanje novonastalih problema u preduzeću "Arcerol Mittal".

Josip Perić istakao je kako uopće nije dobio odgovore na postavljena pitanja pa je postavio dva nova delegatska pitanja.

Prvo pitanje postavio je svim predstavnicima vlasti - šta se čini da se sprječi odlazak mladih sa ovih prostora.

Drugo pitanje postavio je Vladi Federacije a tiče se broja korisnika povlaštenih penzija u svim državnim institucijama kojima je nadređana Vlada Federacije.

Uz odobrenje predsjedavajućeg pročitao je dva delegatska pitanja od delegata Ive Komšića, koji nije prisustvovao sjednici.

Prvo pitanje - zašto se nije ispoštovao Zaključak Doma naroda o održavanju tematske sjednice o položaju privrede u Federaciji Bosne i Hercegovine.

Drugo pitanje postavljeno je Vladi, odnosno resornom ministarstvu da se hitno preispita primjena Zakona o Poreznoj upravi Federacije i Pravilnika o procedurama prinudne naplate poreznih obveza, kao i primjena Zakona o prekršajima Federacije Bosne i Hercegovine.

Muhamed Osmić pokrenuo je inicijativu da se najkasnije u roku od 15 dana održi tematska sjednica na kojoj bi tema bila antirecesijske mjere za ublažavanje globalne ekonomske krize.

Ramo Isak postavio je dva pitanja.

Prvo pitanje postavio je Agenciji za privatizaciju u Federaciji Bosne i Hercegovine a odnosi se na kontrolu preuzetih obaveza iz ugovora o privatizaciji.

Drugo pitanje postavio je Vladi Federacije u vezi sa imovinom Federacije.

Svetozar Pudarić postavio je pitanje federalnom ministru energije, rudarstva i industrije Vahidu Heći u vezi sa cijenom ruskog gasa i eventualnog viška prihoda koji se ostvaruje između "Sarajevogasa", "BH gasa" i "Energoinvesta".

Drago Puzigaća postavio je pitanje i pokrenuo inicijativu.

Pitanje je postavio Agenciji za privatizaciju u Federaciji Bosne i Hercegovine a odnosi se na kontrolu da li je kupac ispoštovao ugovor u pogledu zapošljavanja i izvršenih ulaganja na osnovu ugovora.

Inicijativa se odnosi na obustavu sječe šume u zaštićenoj zoni planine Jadovnik na području Bosansko Grahovo - Drvar.

Lidija Bradara postavila je dva pitanja.

Prvo pitanje postavila je Federalnom ministarstvu unutrašnjih poslova da li je dobilo naredbu kantonalnog tužiteljstva za pokretanje istrage o ubistvu pokojnog zamjenika ministra unutrašnjih poslova Jozе Leutara. Također je upitala da li se vodi istraga u vezi sa ubistvom osam travničkih povratnika i policajaca.

Drugo pitanje postavljeno je Tužiteljstvu i Sudu Bosne i Hercegovine, a tiče se slučaja nestalih i stradalih bugojanskih Hrvata.

Emir Frašto postavio je dva pitanja.

Prvo pitanje odnosi se na opravdanost vađenja šljunka u mjestu Modra u Općini Ustikolina na rijeci Drini, gdje je prirodno mrijestilište ribe mladice.

Drugo pitanje odnosi se na status Visoke zdravstvene škole u Sarajevu, tj. status studenata, te da li ona ima dekana.

Željko Asić postavio je pitanje premijeru Federacije - šta će učiniti da spasi preduzeće „Aluminij“ d.d. Mostar.

Besim Imamović izrazio je nezadovoljstvo dobijenim odgovorom od Federalnog ministarstva prometa i komunikacija koje se tiče uređenja trotoara na putevima na potezu Kladanj - Živinice.

Postavio je tri pitanja.

Prvo pitanje postavio je Vladi Federacije u vezi sa mjerama koje će preduzeti radi ublažavanja posljedica globalne ekonomske krize.

Drugo i treće pitanje postavljeno je Federalnoim ministarstvu poljoprivrede, vodoprivrede i šumarstva.

Zatražio je da Ministarstvo obustavi izdavanje svih dokumenata prema kantonalnim šumskim preduzećima koja nisu radila konkretne zadatke u skladu sa Zakonom o šumama. Također je upitao da li je Ministarstvo poljoprivrede, vodoprivrede i šumarstva Tuzlanskog kantona dostavilo dopis Federalnom ministarstvu poljoprivrede, vodoprivrede i šumarstva kojim se traži pokretanje procedure za utvrđivanje posebnih i ostalih lovišta u skladu sa Zakonom o lovstvu.

Tomo Vidović pokrenuo je dvije inicijative prema Vladi Federacije.

Prva inicijativa odnosi se na izmjene i dopune akta kojim je reguliran Program i trajanje osposobljavanja mlađih inspektora u policijskoj akademiji i skraćivanje trajanja dopunskog osposobljavanja bivših policajaca, odnosno inspektora kojima je IPTF oduzeo certifikat u slučaju njihovog ponovnog prijema u policiju.

Druga inicijativa odnosi se na dostavljanje informacije o stanju sigurnosti u rudnicima uglja sa podzemnom eksploatacijom (jamska proizvodnja) sa prijedlogom mijera za unapređenje ovog stanja.

Muharem Serbezovski pokrenuo je inicijativu prema Vladi Federacije za ukidanje provizije koja se plaća prilikom plaćanja komunalnih usluga.

Nakon pokrenutih inicijativa i postavljenih pitanja prešlo se na utvrđivanje dnevnog reda.

Predsjedavajući je podsjetio da je Vlada Federacije dostavila sljedeće prijedloge zakona sa prijedlogom da se razmatraju po hitnom postupku:

- Prijedlog Zakona o plaćama i drugim naknadama sudaca i tužitelja u Federaciji Bosne i Hercegovine (potvrđivanje Zakona koji je proglasio Visoki predstavnik za BiH),
- Prijedlog Zakona o izmjeni Zakona o javnim poduzećima u Federaciji Bosne i Hercegovine,
- Prijedlog Zakona o izmjenama Zakona o pripadnosti javnih prihoda u Federaciji Bosne i Hercegovine i
- Prijedlog Zakona o dopunama Zakona o izvršnom postupku.

Prije izjašnjavanja, Snježana Milavić je, ispred Kluba delegata srpskog naroda, predložila da se u dnevni red uvrsti tačka - Prijedlog Zakona o osnovnim pravima lica sa onesposobljenjem (predlagač: Klub zastupnika SDA i Klub zastupnika SBiH u Predstavničkom domu).

Na osnovu rezultata glasanja, predsjedavajući je konstatovao da Dom naroda nije prihvatio da se Prijedlog Zakona uvrsti u dnevni red jer je za glasalo osam delegata, četiri su bila protiv, a 26 delegata je bilo uzdržano.

Nakon toga predsjedavajući je obavijestio delegate da je stav Kolegija da se Prijedlog Zakona o dopunama Zakona o izvršnom postupku ne uvrsti u dnevni red ove sjednice, što su delegati prihvatili.

Potom se prešlo na glasanje o prijedlozima zakona koje je Vlada Federacije dostavila sa prijedlogom da se razmatraju po hitnom postupku.

Na osnovu rezultata glasanja, predsjedavajući je konstatovao sljedeće:

- sa 30 glasova za, uz dva glasa protiv i uz šest uzdržanih glasova, Dom naroda je prihvatio da se Prijedlog Zakona o plaćama i drugim naknadama sudaca i tužitelja u Federaciji Bosne i Hercegovine razmatra po hitnom postupku;
- sa 32 glasa za i uz šest uzdržanih glasova, Dom naroda je prihvatio da se Prijedlog Zakona o izmjeni Zakona o javnim preduzećima u Federaciji Bosne i Hercegovine razmatra po hitnom postupku;
- sa 32 glasa za, uz tri glasa protiv i uz tri uzdržana glasa, Dom naroda je prihvatio da se Prijedlog Zakona o izmjenama Zakona o pripadnosti javnih prihoda u Federaciji Bosne i Hercegovine razmatra po hitnom postupku.

Potom se prešlo na glasanje o dnevnom redu.

Na osnovu rezultata glasanja, predsjedavajući je konstatovao da je Dom naroda, sa 33 glasa za i uz sedam uzdržanih glasova, usvojio sljedeći:

D N E V N I R E D

1. Prijedlog Zakona o izmjenama Zakona o pripadnosti javnih prihoda u Federaciji Bosne i Hercegovine – hitni postupak,
2. Prijedlog Zakona o plaćama i drugim naknadama sudaca i tužitelja u Federaciji Bosne i Hercegovine (potvrđivanje Zakona koji je proglasio Visoki predstavnik za BiH) - hitni postupak,
3. Prijedlog Zakona o izmjeni Zakona o javnim preduzećima u Federaciji Bosne i Hercegovine - hitni postupak,
4. Prijedlog Zakona o izmjenama i dopunama Zakona o zaštiti okoliša,
5. Nacrt Zakona o izmjenama i dopunama Zakona o cestovnom prijevozu Federacije Bosne i Hercegovine,
6. Nacrt Zakona o krvi i krvnim sastojcima,
7. Prijedlog Izmjena Poslovnika o radu Doma naroda Parlamenta Federacije Bosne i Hercegovine,
8. Prijedlog Odluke o utvrđivanju područja planine Vranica područjem posebnih obilježja od značaja za Federaciju Bosne

- i Hercegovine,
9. Prijedlog Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine „Vranica“ za period od 2008. do 2028. godine,
 10. Prijedlozi odluka o davanju odobrenja na:
 - a) Odluku o davanju saglasnosti za prihvatanje kredita Export-import banke Koreje za Projekt modernizacije bolnica u Bosni i Hercegovini – faza II,
 - b) Odluku o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Export-import banke Koreje za Projekt modernizacije bolnica u Bosni i Hercegovini – faza II,
 11. Izbor i imenovanja.

1. Prijedlog Zakona o izmjenama Zakona o pripadnosti javnih prihoda u Federaciji Bosne i Hercegovine

Prijedlog Zakona utvrdila je Vlada Federacije.

Predstavnički dom je na 19. sjednici od 27.01.2009. godine usvojio Prijedlog Zakona sa amandmanom koji se odnosi na član 13. stav 2. koji je Vlada Federacije prihvatila, pa je postao sastavni dio Prijedloga Zakona. Tom prilikom usvojen je i Zaključak.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je pomoćnik federalnog ministra finansija Hajrudin Hadžimehanović.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za i uz sedam uzdržanih glasova, usvojio Prijedlog Zakona o izmjenama Zakona o pripadnosti javnih prihoda u Federaciji Bosne i Hercegovine.

Dom naroda je, sa 36 glasova za, uz jedan glas protiv i uz tri uzdržana glasa, usvojio sljedeći:

ZAKLJUČAK

Zadužuje se Vlada Federacije Bosne i Hercegovine da do kraja 2009. godine izvrši cjelovitu analizu rezultata sistema raspodjele javnih prihoda u Federaciji Bosne i Hercegovine i ponudi novi zakon o pripadnosti javnih prihoda u Federaciji Bosne i Hercegovine.

2. Prijedlog Zakona o plaćama i drugim naknadama sudaca i tužitelja u Federaciji Bosne i Hercegovine

Prijedlog Zakona utvrdila je Vlada Federacije.

Predsjedavajući je podsjetio delegate da se Zakon mora usvojiti u istovjetnom tekstu kako ga je proglasio Visoki predstavnik za Bosnu i Hercegovinu.

Predstavnički dom je na sjednici od 29.05.2007. godine potvrdio Zakon Odlukom o potvrđivanju zakona i drugih akata koje je donio Visoki predstavnik za Bosnu i Hercegovinu u periodu od 06.10.1999. do 24.04.2007. godine.

Prijedlog Zakona obrazložio je Feliks Vidović, federalni ministar pravde.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda, sa 37 glasova za i uz tri uzdržana glasa, usvojio Prijedlog Zakona o plaćama i drugim naknadama sudaca i tužitelja u Federaciji Bosne i Hercegovine. Time je Zakon donesen u istovjetnom tekstu kako ga je proglasio Visoki predstavnik za Bosnu i Hercegovinu.

3. Prijedlog Zakona o izmjeni Zakona o javnim preduzećima u Federaciji Bosne i Hercegovine

Prijedlog Zakona utvrdila je Vlada Federacije.

Predstavnički dom je na 20. sjednici od 10.03.2009. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda, sa 36 glasova za i uz četiri uzdržana glasa, usvojio Prijedlog Zakona o izmjeni Zakona o javnim poduzećima u Federaciji Bosne i Hercegovine.

4. Prijedlog Zakona o izmjenama i dopunama Zakona o zaštiti okoliša

Prijedlog Zakona utvrdila je Vlada Federacije.

Predstavnički dom je na 20. sjednici od 10.03.2009. godine usvojio Prijedlog Zakona uz dva amandmana koji se odnose na član 72. stav 1. i član 104. stav 3., koji su postali sastavni dio Prijedloga Zakona.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložila je Kasema Čatović, sekretar Federalnog ministarstva turizma i okoliša.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda, sa 38 glasova za i uz dva uzdržana glasa, usvojio Prijedlog Zakona o izmjenama i dopunama Zakona o zaštiti okoliša.

5. Nacrt Zakona o izmjenama i dopunama Zakona o cestovnom prijevozu Federacije Bosne i Hercegovine

Nacrt Zakona utvrdila je Vlada Federacije.

Predstavnički dom je na nastavku 18. sjednice od 13.01.2009. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Nail Šećkanović, federalni ministar prometa i komunikacija.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda, sa 38 glasova za i uz dva uzdržana glasa, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o cestovnom prijevozu Federacije Bosne i Hercegovine i smatra da može poslužiti kao osnov za izradu prijedloga Zakona.

6. Nacrt Zakona o krvi i krvnim sastojcima

Nacrt Zakona utvrdila je Vlada Federacije.

Predstavnički dom je na 19. sjednici od 28.01.2009. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Safet Omerović, federalni ministar zdravstva.

U raspravi je učestvovao Dragomir Bilić.

Na osnovu rezultata glasanja, predsjedavajući je konstatovao da je Dom naroda, sa 39 glasova za i uz jedan uzdržani glas, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o krvi i krvnim sastojcima i smatra da može poslužiti kao osnov za izradu prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

7. Prijedlog Izmjena Poslovnika o radu Doma naroda Parlamenta Federacije Bosne i Hercegovine

Predsjedavajući je obavijestio delegate da je, s obzirom na to da je u proteklom periodu izvršena reforma odbrane u smislu prenošenja ovlaštenja sa entitetskog na državni nivo, što je podrazumijevalo izmjenju entitetskih ustava, zakona i drugih propisa koji su uređivali oblast odbrane, neophodno izvršiti izmjene Poslovnika o radu Doma naroda Parlamenta Federacije Bosne i Hercegovine.

S tim u vezi predstavnici NATO-a uputili su primjedbe koje se odnose na potrebu brisanja odredaba vezanih uz odbranu u Poslovniku o radu Doma naroda, pa je Kolegij utvrdio Prijedlog Odluke o izmjenama Poslovnika o radu Doma naroda.

Prijedlog Odluke razmatralo je nadležno radno tijelo i dostavilo izvještaj.

U raspravi su učestvovali: Ivo-Iva Tadić ispred Komisije za odbranu i sigurnost i Bojan Bošnjak.

Na osnovu rezultata glasanja, predsjedavajući je konstatovao da je Dom naroda, sa 38 glasova za i uz jedan uzdržani glas, donio Odluku o izmjenama Poslovnika o radu Doma naroda Parlamenta Federacije Bosne i Hercegovine.

8. Prijedlog Odluke o utvrđivanju područja planine „Vranica“ područjem posebnih obilježja od značaja za Federaciju Bosne i Hercegovine

Odluku je utvrdila Vlada Federacije i dostavila Parlamentu Federacije Bosne i Hercegovine radi razmatranja i donošenja.

Predstavnički dom je na nastavku 18. sjednice od 13.01.2009. godine donio Odluku.

Odluku su razmatrala nadležna radna tijela i dostavila izvještaje.

U raspravi su učestvovali: Radoje Vidović, Besim Spahić, Edin Hozan, Besim Imamović, Svetozar Pudarić, Bojan Bošnjak, Lidija Bradara, Hanka Mušinbegović, pomoćnica federalnog ministra prostornog uređenja, i Nikola Simić.

Nakon rasprave, predsjedavajući je predložio da se odloži izjašnjavanje o tačkama 8. i 9. za 30 dana dok se lokalne zajednice ne izjasne o prijedlozima ovih odluka, što su delegati prihvatili.

10. Prijedlozi odluka o davanju odobrenja na:

- a) Odluku o davanju saglasnosti za prihvatanje kredita Export-import banke Koreje za Projekt modernizacije bolnica u Bosni i Hercegovini – faza II**
- b) Odluku o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Export-import banke Koreje za Projekt modernizacije bolnica u Bosni i Hercegovini – faza II**

Odluke je donijela Vlada Federacije i dostavila Parlamentu Federacije Bosne i Hercegovine radi razmatranja i odobravanja.

Predstavnički dom je na nastavku 19. sjednice od 28.01.2009. godine odobrio ove odluke.

Odluke su razmatrala nadležna radna tijela i dostavila izvještaje.

Odluke je obrazložio Samir Bakić, v.d. pomoćnika federalnog ministra finansija.

U raspravi nije niko učestvovao.

Nakon toga prešlo se na glasanje.

- a) Odluka o davanju saglasnosti za prihvatanje kredita Export-import banke Koreje za Projekt modernizacije bolnica u Bosni i Hercegovini – faza II**

Na osnovu rezultata glasanja, predsjedavajući je konstatovao da je Dom naroda, sa 38 glasova za i uz dva uzdržana glasa, donio Odluku o odobravanju Odluke o davanju saglasnosti za prihvatanje kredita Export-import banke Koreje za Projekt modernizacije bolnica u Bosni i Hercegovini – faza II.

- b) Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Export-import banke Koreje za Projekt modernizacije bolnica u Bosni i Hercegovini – faza II**

Na osnovu rezultata glasanja, predsjedavajući je konstatovao da je Dom naroda, sa 38 glasova za i uz dva uzdržana glasa, donio Odluku o odobravanju Odluke o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Export-import banke Koreje za Projekt modernizacije bolnica u Bosni i

Hercegovini – faza II.

12. Izbor i imenovanja

- **Prijedlog Odluke o potvrđivanju Odluke o imenovanju sudaca Ustavnog suda Federacije Bosne i Hercegovine**

Odluku o imenovanju **Andrije Kolaka i Vere Jovanović** za suce Ustavnog suda Federacije Bosne i Hercegovine donijela je predsjednica Federacije Bosne i Hercegovine, uz saglasnost potpredsjednika Federacije Bosne i Hercegovine, i dostavila je Domu naroda Parlamenta Federacije radi potvrđivanja.

Prijedlog Odluke o potvrđivanju Odluke o imenovanju sudaca Ustavnog suda Federacije Bosne i Hercegovine pripremila je Komisija za izbor i imenovanja.

Na osnovu rezultata glasanja, predsjedavajući je konstatovao da Dom naroda **nije donio** Odluku o potvrđivanju Odluke o imenovanju Andrije Kolaka i Vere Jovanović za suce Ustavnog suda Federacije Bosne i Hercegovine jer je za glasalo 20 delegata, jedan je bio protiv, a 19 je bilo uzdržanih.

Budući da je izražena sumnja u rezultate glasanja, pristupilo se poimeničnom glasanju koje je obavio Izmir Hadživdović, sekretar Doma naroda Parlamenta Federacije Bosne i Hercegovine.

Na osnovu rezultata poimeničnog glasanja, predsjedavajući je konstatovao da Dom naroda **nije donio** Odluku o potvrđivanju Odluke o imenovanju Andrije Kolaka i Vere Jovanović za suce Ustavnog suda Federacije Bosne i Hercegovine jer je za glasovalo 19 delegata, dva su bila protiv, a 24 su bila uzdržana.

* * *

Sjednica je završila sa radom u 15.46.

Transkript sjednice čini sastavni dio Zapisnika.

SEKRETAR

Izmir Hadživdović

PREDSJEDAVALAČI

Stjepan Krešić